

December 22, 2020

Mosha Cote
Research Liaison
Nunavummi Qaujsaqtulirijikkut/Nunavut Research Institute (NRI)
Iqaluit, NU
X0A 0H0

Chairperson
Nunavut Impact Review Board (NIRB)
P.O Box 1360
Cambridge Bay, NU
X0B 0C0

TALVUUNA: Ayuqnaqtunik Qauyihaiyut Laisiutaat #04 008 20R-M 2020-mi Ukium Nunngutaanut Naunaitkutut taamnalut 2021-mi Parnaiyautit.

Halu NRI-kut, NIRB-kut ahiillu ilauyumayut,

Hapkunuuna titirakkut, naunaiqhitiyunga kuugaqmit qauyihaiyunik havaaghanit taiyauvaktut, *Munaqhiyut Ukiuqtaqtumi Avatinut Aallannguqtaqtut Kuugaqnit Qitiqmiuni Aviktuqhimayumi*, aulapkaqtitaayut laisiutaagut nappaa: **04 008 20R-M**. Havaaghatigut hapkua ihuaqhaivalliyumayaqqut havauhiqqut qauyihaipluta hanguviit qanurininganiiniklu kuukkat Qitiqmiuni tamaat atuqhutik pitquhiyut qauyihaiyut havuahiinik (“kuukkanit kihaqviinit”) takiniinik qauyihaiplutik harvaqtiqvianit. Hapkua kihaqtuqviit kuukkanit hivulliqaanik ilittuqhitivangniat qurluqtillugu kuugaq immaplu qanurininganianik talvani Qitiqmiuni Aviktuqhimayumi, qauyihaiyut amirnaqtunik ilihimattiarniqmik naahuriniqmiiklu ikpingnautinik Qitiqmiut taryuutainit. Una naunaitkutut ilittuqhitivaktut havaaptingnit iniqhimayaqqut 2020-mi, taapkualu parnaiyautikput 2021-mi upinngaghami havaaghapingnit, laisiit taapkua atuqhugit.

2020-mi Ukium Nunngutaanut Naunaitkutut:

Mamianaugaluq, qalakyuarnaq-19-mut ayuqhautiqahimayugut qauyihaiyaamik kuukkami kihaqhimatillutik aullaqtittiplutik havaaghanik parnaiyaqhimayut auyami 2020-mi. Taimalluaq, atuqtitauyaamik hivuraaniqmiut havakviinut parnaiyariamik ingilrutinik agyaqtauyughat ukiuqtaqtumut ayuqhautinullu aullaariamik. Naahurittiaqtugut taimaa nutaat havauhikkut qauyihaiyut havaaghait aullaqtitauyaamik 2021-mi, aullaariamik ukiuqtaqtumut ayuqnaraluaqtilluni qalakyuarnaq -19-mut.

2021-mi Parnaiyautit:

Aullaqtittiyut nutaanik ingilrutinik inittiaqhimaplutik 2019-mi, naahuriyugut huli naunaiqhitiyaamik hapkuninnga ilihimaliqtainik hivulliqlit havaariyainnit taapkualu nunallaat Qurluqtuq Qingauklut taimaa ihuaqhittiarahuariamik aullaqtitaghat amuyauyughallu hivunighami. 2020-mi ihuaqhautinik tughirautiptingnut tunihimayugut piinnaraliutinut (NPC-kut Titirautait #149297) iliqahiutiyaamik aullaqtittiyughat ingilrutinik kihaqhimalutik Iqaluktuuttiam kuugaanik, havaqatigihimaniaqtaqqut nunallaarmiut Iqaluktuuttiaqmi ihuaqhaiyaamik kihaqvighait talvani. Naunaraluaqhuni aullaqqtariamik ukiuqtaqtumut 2021-mi, tughirarumayugut nutaannguqtiriamik

piinnaraliutiptingnut kihaqhimayumik ingilrutinik aullaqtittiyaamik Qurluqtumi, Ayapapakturvingmi, Tree kuugaanillu, Iqaluktuuttiam kuugaanilu 2021-mi.

Titiraqhimayutut hivulliqlit tughirautinit, parnaiyaqhimaniaqtugut kuukkanunngaqnaririamik hikuiyahaqtillugu (June qitqaanit 2021-mi), kuukkam qaqhuanut haniani, mayuraqhimalutik tagyaaqmit. Nunallaarmiut havaqatiginahuaqtaqqut tikkuqaqiyaamik kihaqhimavingnik. Kihaqhimayait amulugit August nungunnuaqtumi September-miluuniit atulihaaqtillugu mikiyukkut qayakkut, nanikiaq qanitqiyamit nunallaarmit atuqhutikluuniit havigalingmik qayaqmik talvanngat RV Martin Bergmann. Aullaqaaitkumi huli ukiuqtaqtumut qalakyuarnaq-19-mut, havaqatiginiaqtaqqut nunallaarmiut talvuuna Anguniaqtit Naniriaqtuqtillu Katimayit Qurluqtuqmi, Iqaluktuuttiaqmi, Qingaungmilu, parnaiyaiyaamik aullaqtittivighait ungahiaqmit.

Quyagivaffi ikayuqpakkaffi iniqhinaqhimagaffilu qauiyhaiyunik kuugaqnit Qitiqmiuni. Uqauhiit, pitquyayut, ihumagiyatillu/uniit hapkua havaaghat mighaagut tuhaqtauyumayut. Apiqhuutighaqaruffi, hivayaqlunga havaqatikkaluuniit unipkaaqtigiyaamiklu quviahungniaqtugut. Havaqatigiyaaptingnik 2021-mi naahurivunga.

Pittiarnikkut,

Kristina Brown
Fisheries and Oceans Canada
Ocean Sciences Division
Institute of Ocean Sciences
9860 West Saanich Road
Sidney, BC
V8L 4B2
Tel: (778) 835-8374
Email: Kristina.Brown@dfo-mpo.gc.ca

Kivgaqtuqhugit havaaghanut PI-nguyut:

Bill Williams, Research Scientist, Fisheries and Oceans Canada, Institute of Ocean Sciences,
Email: Bill.Williams@dfo-mpo.gc.ca

Donald McLennan, Lead Science Officer, Polar Knowledge Canada,
Email: donald.mclennan@polar.gc.ca

Kristina Brown, Research Scientist, Fisheries and Oceans Canada, Institute of Ocean Sciences,
Email: Kristina.Brown@dfo-mpo.gc.ca